


皇明詔令

十





皇明詔令卷之二十一

今聖上皇帝

興禮主儀議大禮勅立嘉靖七年六月初三日

太師只朕以宗支眇末恭膺

天命克紹丕圖實惟我

祖宗列聖積功累仁延慶垂祉于我後之人亦惟我

皇考而

聖母之鞠育誨道以底于成立即位六日輒下羣臣

尊崇之禮不意內閣大學士楊廷和謬主宋之濮議

指示禮官尙書毛澄不能執經據禮却乃

唯唯順從欲付朕於與爲人後之倫謂宜考

孝宗母

昭聖而改稱朕本生

父母爲叔父母朕思

皇兄遺詔乃遵我

太祖兄終弟及之訓曰

興獻王長子倫序當立迎取來京嗣皇帝位大義甚

今望上明朕乃繼統非繼嗣承

武宗之後非承

二十一



孝宗之後若依前議則悖我

太祖遺訓奪我

父子大倫民彝物則泯滅盡矣朕心不安屢命羣臣

集議而廷和等力主定陶濮王不倫之典妄

稽曹魏偏安私己之言鼓集朋類一唱百和

期於必勝旣而執禮之臣先後論列本之聖

經稽之儀禮闡明正道辯別是非於是

父父子子

尊尊親親各得其當凡有人心者孰不感悟而廷和

等乃猶執迷不返蔣冕毛紀同爲輔臣茫無

敕正轉相附和欲遂其非都御史林俊自遠  
方起用而來著論迎合尙書喬宇爲六卿之  
首不能持正抗議乃與九卿等官交章妄執  
其後汪俊繼爲禮部尙書仍主邪議公言于  
朝吏部郎中夏良勝恃銓選之權脅持庶官  
堅其邪志何孟春以侍郎掌吏部事鼓舞朝  
臣伏闕喧嚷猖狂放肆縱無忌憚欺朕冲年  
朕初見道未明雖有非彼之意然而執持不  
定屢以罔極至情開諭輔臣使相體悉而廷  
和等略不加念逆



天違詔怙終不悛朕年稍長及賴諸臣正論於義理  
見之已真凡三更詔令而

大禮始定綱常倫理燦然大明于天下矣比者命官  
纂修明倫大典書成進覽其間備術諸臣建  
議本末邪正具載奉

天行罰以垂戒後之人乃朕今日事也然猶不欲爲  
已甚之舉姑從輕以差定罪楊廷和爲罪之  
魁懷貪天之功制脅君父定策國老以自居  
門生天子而視朕法當戮市特大寬宥革了  
職著爲民次則毛澄病故削其生前官職又

次則蔣冕毛紀喬宇汪俊具已致仕各革了  
職冠帶閒住林俊也革去生前職銜何孟春  
官雖佐貳而情犯特重夏良勝雖係官屬而  
釀禍獨深都發原籍爲民其餘兩京翰林科  
道部屬大小衙門附名連僉入奏然有被人  
代署而已不與聞者有心知其非而口不敢  
言者事干人衆情類脅從間有四五黨助之  
大黷亂者亦原於勢利所奪俱從寬不究其間實有  
出輔臣之門受其指使號召衆人以濟其惡  
大黷亂者當時已正法典或編成充軍或削職爲民



茲不再究嗚呼叙典秩禮聖賢之大道賞善  
罰罪天子之大權若一槩置而不問無以彰  
上天討罪之功必如是而或可都察院便刊布天下  
使凡爲臣工者皆知倫理之不可干名義之  
不可犯共襄人文之化以成熙皞之治于無  
窮焉爾禮部仍大書一道揭于承天門之外  
俾在位者咸自警省再照斯禮所議之失原  
咎皆在朕不聰不明所致內自省究亦不敢  
自恕其凡被脇從者旣已寬宥勿得自懷憂  
疑當思勉爾之職共圖治理則所汚者猶未

及焉顧不美哉故諭

上尊號寬恤詔

嘉靖七年七月十九日

奉

天承運

皇帝詔曰朕聞聖人之孝以尊

親爲大人君爲治以孝敬爲先匪愧情率意之所敢

私實古聖帝明王之要道者也朕以藩服仰

荷

天命奉我

皇兄遺詔遵我



聖祖兄終弟及之文令朕入奉

祖宗大統自卽位之始首命禮官會廷臣集議

稱號等項奈何左右大臣謬主非禮之議春曹卿佐  
妄考不經之言謂父子可絕其親執後世爲  
人後之說是以統嗣無分紀綱隳失人倫幾  
至不明考議幾於聚訟當是其時朕徒存追  
報之誠見聞罔有所得上賴

皇天鑑佑賚我賢良大名大倫己各正其天序

尊稱

尊號尙未合乎彝章是非奸黨所能爲實由朕冲昧

無知之所致也今追惟我

皇祖妣孝惠皇太后夙事

皇祖

勤儉齊莊其

尊稱未盡我

皇考恭穆獻皇帝

玄德昭彰

寬仁純粹

聖母章聖皇太后

靜善淑哲克裨內治



誕育朕躬

深恩罔極慕

鞠勞訓誨之無可酬肆

洪仁

峻德亦曷以頌追報之忱旣莫能伸揄揚之誠又未  
少罄茲復叅稽典制爰據輿情遣官祗告于

天地

宗廟

社稷於今年七月初十日恭奉

冊寶追上

皇祖妣

尊號爲

孝惠康肅溫仁懿順協天佑聖太皇太后加上

皇考

尊諡爲

恭睿淵仁寬穆純聖獻皇帝十二日恭奉

冊寶加上

聖母

徽號爲

章聖慈仁皇太后大禮告成所有應頒恩賚條示于



後

一兩京文職官員未及三年考滿但到任歷俸  
一年之上無過者俱與應得誥勅封贈父母  
後不爲例

一文職官員五品以上以禮致仕在家者實年  
六十以上者各進階一級考察等項革職冠  
帶閒住者不許濶濫其一品以上致仕大臣  
年八十者有司備彩帛羊酒問勞九十以上  
具實奏來遣使存問

一各處王府應得祿米各該巡撫官嚴督有司

皇明詩令 卷之二十一  
查催完納毋致缺欠

一湖廣安陸州地狹民貧今

陵寢所在供應浩繁以後除辦納稅糧外其餘雜辦  
差徭悉與除豁

一各處軍民人等有五世以上同居不分爨者  
有司勘實奏請旌表門閭仍免一應雜泛差  
役以勵風俗

一各處小民有衣食不給流移他鄉者詔書到  
日各還本土有司務要加意撫恤俾務生業  
仍免雜差一年



一各衛所軍士月糧多有經年累月不得關支  
所在撫按官嚴同有司查催應納未完稅糧  
陸續補支如有不敷將在庫堪動銀錢量爲  
處補

一宗室有年七十以上各賜米十石絹十疋凡  
一應禮儀有哀病不能自行者予爲代行以  
示優老之意

一各處學校廩增生員有親老無人侍養願告  
侍親者聽親終復學其累舉不第年五十以  
上願告退閒者許與衣巾終身仍免本身雜

泛差役

一軍民之家有年七十以上者許一丁侍養免其雜泛差役年八十以上者有司給絹一疋綿十斤米十石肉十斤九十以上者倍之其男子八十以上有爲鄉里所敬服者加以冠帶榮身

一義夫節婦孝子順孫有司卽與保勘具實奏聞照例旌表其已旌表年及六十者男子冠帶榮身婦人照年八十以上例給賜絹帛米肉



一在京內外有鰥寡孤獨廢疾不能生理者卽  
便收入養濟院照例給與衣糧毋令失所  
一武職應得誥勅多有請給年遠未曾撰給兵  
部會同膳黃官及中書舍人盡數查出先儘  
誥冊收貯見在者上緊撰寫給散其有應該  
停授并查理未明者兵部查議奏請施行  
一各邊鎮總兵副叅遊擊等官受任一年之外  
曾有斬獲軍功係署職者具與實授守備官  
歷一年不曾失事無過者亦與實授職銜其  
指揮行都指揮事但係領勅官員亦以一年

爲限無過者量與署職以便行事後不爲例  
一宗室節年因事減革住支祿糧者除敗倫傷  
化打死重情外其餘詔書到日全革者准支  
一半減去一分二分者俱准照舊全支以資  
養贍

一在京在外軍職但因公事住支俸糧者詔書  
到日俱與關支以資養贍

一在外衛所武職官員有年老殘疾及故絕母  
女正妻無人替襲者俱結勘明白申達撫按  
衙門照例優養不許衛所官吏人等刁難阻



抑

一養種馬山東河南所屬州縣每人丁五丁養兒馬一匹十丁養騾馬一匹南直隸所屬州縣每十丁養兒馬一匹十五丁養騾馬一匹中間如有祖父母祖母年及七十以上者府州縣官免其養馬及卽准除一丁侍養不許僉派醫獸等差

一在京武職除近選軍政并會保將材其餘有告愿調改外衛者該部查勘相應具奏改調仍聽撫按官照例考選等事

一在京在外緝獲強盜妖言姦細等項事情各該問刑衙門務要從公研審的確果有冤枉卽與辯理

一問刑衙門有因正犯逃故累及家屬干連證佐監久者從宜保放正犯情罪深重者仍挨拏完結

一雲貴川廣連年用兵採木宣大延寧擄賊侵擾浙江湖廣直隸等處水旱相仍盜賊竊發軍民疲憊工部坐派一應料價并輪班人匠工價自嘉靖元年以前已徵在官者差人解



部果係小民拖欠及起解中途偶遇水火盜賊未完欠班者勘實悉行停免以蘇民困

一浙江江西山東河南山西湖廣福建四川各布政司蘇松常鎮徽寧池太廬鳳淮揚等府及廣德州各處歲造段絹有自正德初年至正德十六年止全無解部者多因各處地方頻年災傷小民困苦徵解不全或經收人等侵欺以致文移催徵殊無了時著撫按官嚴督有司從公查勘自嘉靖元年以前各處一應拖欠段絹若係侵欺者照數追價完解果

係小民未納料銀者悉與蠲免

一御史給事中職當言路凡朝廷政事得失天下軍民利病許各陳所見明白具奏言有可採該衙門卽與覆奏施行不得顧忌緘默以長欺弊

於戲立孝尊

親俾示追崇之道推恩睦族誕敷大賚之仁自親親以及於恤民爰長長以至於愛物尙期賢佐共致雍熙庶副朕所素願用光

祖考之休詔告天下咸使聞知



南郊禮成寬恤詔

嘉靖九年十一月二

十三日

奉

天承運

皇帝詔曰朕遵

太祖高皇帝敬

天之制恭建

園丘于南郊於今十一月二十三日冬至祇行

大報之禮朕惟人君上奉

皇天而作之子下主億兆而作乎王是以上古聖帝

明王咸克上奉于

天下勤于民者乃以其祇若

天心勤恤黎庶洪惟朕

皇祖高皇帝當夷狄亂華之時稱

皇天之眷求乃挺立紀綱掃氛除垢復建人極重修

五典于是奉郊

廟

社稷有儀文之可推有憲章之可法用昭假于

神祇

祖考允爲創世之首務萬代不刊之巨範也朕以藩



服仰荷

天命作厥辟于萬方顧其寡昧深懼不勝茲恭率

祖之攸行用欽昊穹之眷注上賴

皇天垂鑑

祖考蔭翊以及左右勲輔賢良矢心殫力之所贊成  
者也於朕則無一得焉所有寬恤事宜條示  
于後

一自嘉靖九年正月初一日以後十一月二十  
三日以前官吏軍民人等有犯除十惡重罪  
不赦外其餘已發覺未發覺已結證未結證

罪無大小咸赦除之敢有以赦前事及限前  
自相告言并妄引希欲免罪者各以其罪罪  
之勿使小人反獲其幸有妨

上德

一官吏軍民人等自正德十六年四月二十二  
日以後有爲事問發充軍除原係真犯死罪  
饒死及事干謀反黨逆失機強盜人命并大  
禮大獄情最重者不赦外其餘放回原籍寧  
家隨住若有赦前逃回不首原係真犯死罪  
饒死充軍例該照依原擬處決并原係雜犯



死罪以下充軍例該枷號改發極邊衛分者  
免其處決枷號改發仍各發原充衛所著役  
一除有限赦宥罪犯外前後不及開者還著在  
內法司會官在外法司差官并錦衣衛官各  
一人前去各處會同彼處經該官員審錄罪  
囚如果有冤抑經年不得伸者卽行開具情  
節作急奏報發落勿得視如故常

一各處應有該祀

神祇帝王忠臣孝子功利一方者其壇場廟宇務令  
修葺依期齋祀勿褻勿怠

一言官職居言路往往未聞利民實語不過徇私適己嫉人自伐抗上好爭而已朝廷豈可容納聽受今後務要果裨君之德除民之患公正之言陳列不許假托賣直畏忌之意終日緘默以爲君過

一

天之立君本以爲民今天下之廣兆民之衆爲人君者豈能人人而加之惠哉惟在內外大小諸司得人任用而已我

祖宗朝雖定科舉歲貢之法猶有薦舉之例并列三

途自夫科舉之法重而尤以偏用進士爲重而歲貢之法遂輕薦舉之路已盡塞矣夫三道并用則無偏重而人材有餘由是懷才抱德之士斯得顯於世非特求之文詞之徒而已今舉人無九卿之望歲貢禁方面之陞田野絕舉保之路有一員缺必求進士出身者斯得推補以致人尙浮詞不修實行甚至脩於家而壞於天子之庭欲求爲上爲德爲下爲民者卒未易得也今後著吏禮二部卽便考求



祖宗以來舊典備細開具奏請定奪務要科舉歲貢  
薦舉三途并舉但有真才實德者不拘近年  
資格一體不次擢用庶忠義向風浮薄改行  
內外大小諸司各得其人以爲惠民致治之  
本

一親王郡王年七十以上者寫書并賜羊酒幣  
帛存問鎮輔國而下年八十以上者有司備  
米十石絹十匹綿十斤特往存問以示優老  
之意祿糧有累年不得者著查補給不許稽  
遲

一宗室犯罪見在高牆并各處郡王將軍中尉  
有因事革減祿爵及寘鐫宸濠之變貽及累  
有奏辯情果虧枉者所在巡按御史卽與從  
公勘明具奏定奪

一軍民之家有年七十以上者許一丁侍養免  
其雜泛差役八十以上者仍給絹一匹綿一  
斤米一石肉十斤九十以上者倍之

一兩京文職官員未及三年考滿無過者俱與  
應得誥勅後不爲例

一各處武職官自嘉靖九年十一月以前有因

公罪納米納料運石運磚運灰運炭貧不能  
完納以致經一年不得復職支俸管事者詔  
書到日卽與除免

一嘉靖十年秋漕運糧斛四百萬石內除山東  
河南照例折銀一十四萬石外其餘本色並  
南京各衛倉米一百二十八萬二千二百二  
十八石一斗五升七合俱以十分爲率量准  
五分每石連蓆耗正兌米折銀七錢改兌並  
南京倉米折銀六錢其內外倉廩不分邊方  
腹裏起運存畱該徵折銀者俱照原數每石



減銀一錢以蘇民困係王府祿糧者不減

一各處盜賊多因饑寒失業委係脅從嘯聚除首惡不赦外詔書到日各該官司通行出榜曉諭許其投首悉免其罪軍還原伍民還原籍各存恤一年免其差徭其有能擒捕首惡并黨內首告者照例給賞如有因其投首乘机邀執希圖功賞者治以重罪

一內部各監局銀料及段匹等項小民鋪戶上納使用耗費比之正數尤多往往託之攬頭誑騙負累不勝其苦自嘉靖十年爲始合照

戶部事例通行科道部屬官一體監收禁革宿弊以甦民困

一在京在外緝獲強盜妖言奸細等項多有貪功圖利及無賴戮番之徒妄拏誣陷寃抑無伸著問刑衙門從公研審果有寃抑卽與辯理不許拘泥成案若干礙妄拏報功人員照例從重究治

一京師三大營及十二團營官軍其椿朋銀兩自嘉靖九年十一月以前拖欠者悉行蠲免仍免徵以後年分朋銀以甦軍困以後仍照

舊例徵收

於戲

大報既成庶遂微忱之懃恩澤適布以敷

洪造之仁尚賴忠賢匡朕一人之不逮期臻至治用

光

列祖之休嘉詔告天下俾悉聞知

皇儲生詔

嘉靖十二年八月二十五日

奉

天承運

皇帝詔曰朕聞承祧主器必在賢良繼位嗣艱惟宜



傳長故曰君之儲貳是謂今昔咸同朕以一  
人仰承

皇天洪眷纘嗣

皇祖丕圖卽位于今已訖一紀大婚之後又越十年  
每思傳繼之久虛若履冰而戰懼上厯

聖母佇望之深下遺臣民引領之至朕心震惕朝夕  
匪寧昨歲元輔建策慎選淑女以備妃嬪之  
御用廣嗣緒之求朕請

慈命聞于

祖考卜吉納九氏以用資繁衍之祥助蒸嘗之職者

乃於今年八月十九日

皇天降祉

祖宗鑑蔭朕第一子生屬麗嬪閻氏出是皆

皇考

聖母鍾祥積慶而衍及孫謀者也茲用布聞中外誕  
布寬恤所有開示并宜奉行

一自嘉靖十二年八月二十五日昧爽以前官  
吏軍民人等有犯除謀反叛逆子孫謀殺祖  
父母父母妻妾殺夫奴婢殺家長殺一家非  
死罪三人採生折割人謀殺故殺蠱毒魘魅

殺人強盜妖言奸黨失機并事干邊方夷情  
及人命十惡致死罪者以及大禮大獄至惡  
情重不赦外其餘已發覺未發覺已結證未  
結證罪無大小咸赦除之敢有以赦前事相  
告言者以其罪罪之

一各王宗室屢以貧難奏告情甚不得已各該  
有司全不與處置輕視朝廷欺辱國姓以致  
困苦饑寒無門控訴自詔書到日即便查處  
補給敢有違慢者許各親王具奏治罪

一各宗室年七十以上者有司各給米十石絹



十匹綿十斤庶人年及七十者一體給米五石絹五匹

一宗室女子有年二十以上未成婚配者各該撫按等官卽便行令該府長史輔導官限三月以裏保送前來以憑禮部覆請

一鳳陽高牆庶人或因父祖數十年前得罪遷發子孫至今淹禁或夫男已故遺下妻妾人等仍未放回者累有詔旨欲行寬釋所司人員視之如故紙通不查議法司備查節年遷發高牆庶人原行卷案分別輕重等第中間

情犯可疑拘禁年久及子孫妻妾人等連累淹禁奏請定奪

一宗室有因事革住祿米者俱與照舊關支

一先年江西逆賊宸濠謀逆干連人衆累有旨令與分豁奏請久不奉行自詔書到日卽便查復

一兩京三品以上文官例該蔭子未及三年考滿者俱准與蔭一子入監讀書

一兩京文官未及三年考滿者并在外七品以上歷任三年果無過者查奏俱與應得誥勅

一武官應得誥勅已經請給年遠未曾撰黃者  
謄黃官卽與查撰給散

一武職官除失機重情不赦外凡一應干累註  
誤累及有司官因小忿爭陷虧枉革職者俱  
許具奏聽與分理

一文官五品以上武官四品以上署職試職者  
併試職御史俱與實授仍與應得誥勅

一公侯駙馬伯并內外文武官員旗士人等有  
因事革去罰住祿米俸糧者照舊關支

一官吏軍民人等有爲事問發充軍除原係眞



犯死罪饒死及事干謀反黨逆失機強盜人命不赦外其餘放回原衛原籍寧家隨住

一兩京文官自四品以上有因事致仕年力未衰才識可用者吏部查訪疏名起用冠帶閒住者與致仕爲民者冠帶閒住

一嘉靖九年十二月以前各處軍民人等拖欠除王府祿糧仍舊催徵外其餘稅糧子粒草束農桑人丁絲綿門攤商稅戶口食鹽米鈔諸色課程鹽課魚課等項除已徵在庫及己經解戶人等收受者詔書到日各撫按官作

速分投差官查明截數起解原定衙門交割  
各造冊奏繳查考其未經收受者盡數蠲免  
敢有將已徵捏作未徵侵欺盜用者許諸人  
首告拏問重治嘉靖十三年稅糧內除漕運  
糧斛四百萬石外其餘不分起存以十分爲  
率俱免五分以甦軍民困苦

一在京各營在外各邊并順天府南北直隸山  
東河南各處軍衛有司騎操孳牧寄養走遞  
馬騾驢牛并種馬駒近年以來虧欠倒失被  
盜等項並有例停候買補者悉與蠲免以甦

久困若有已補在官者照例押發交收該管人員若有通同欺隱作弊者事發治以重罪

一山東河南南北直隸各該牧馬草場子粒租銀連年災傷以十分爲率自十三年以前各免五分以甦民困

一軍民有年七十以上者許一丁侍養免其雜汎差役八十以上者與冠帶仍給絹一匹綿二斤米一石肉十斤九十以上者倍之

一內外各衙門見監死罪重囚內有情可矜疑曾經奏請未得饒死者覆審是實俱免死發



邊衛充軍其見問重囚若有情可矜疑及毆傷人延至辜限外身死情真是實照例仍擬死罪者強盜贓仗不明人命無屍可檢並一應重囚監禁五年之上累次稱冤有詞應合辯問者在內三法司在外巡按御史公同三司官各會審明白具奏定奪

一內外各衙門囚犯該追贓物係還官給主銀貨至五十兩以上並入官至一百兩以上監追一年之外及正犯身死拘禁家屬各勘無家產堪以變賣賠納者開具所犯情罪奏請

定奪其不及前數監追半年之外及正犯身故各勘無家產並例該追罰馬牛等項悉與宥免查照發落其有正犯在逃未獲監禁家屬證佐不係事干叛逆劇盜者悉令保候歸結

一在京在外緝獲強盜妖言奸細等項多有貪功圖利及無賴戮番之徒妄拏誣陷重罪累有詔旨禁例多不遵守今後問刑衙門務要從公研審果有冤抑卽與辯理不許拘泥成案若干礙妄拏報功人員照例從重究治

一各處學校廩膳增廣生員有親老無人侍養  
願告侍親者聽親終之日復學其廩膳及曾  
經斗舉年五十以上行止端莊不願進取者  
許赴該提學官處告明給與冠帶榮身  
一兩京各衙門歷事監生及承差各免歷事辦  
事三箇月典吏二箇月後不爲例

於戲主鬯得人允副

慈懷之怡慰承家有繼寔昭古代之通情爰法舊章  
用覃大賚詔告天下咸使悉知

立方皇后詔

嘉靖十三年正月十八日



奉

天承運

皇帝詔曰朕惟大婚爲王教之始克謹於初閨門爲  
政化之原其終尤愼是以易著家人之訓詩  
昭窈窕之稱二女妻于舜乃致風動四方之  
休一德配于周而爲關雎二南之美凡有天  
下者豈不想慕之未若其時也朕以宗人仰承  
明命繼嗣丕圖方當紀元之初已舉好述之典始配  
以疾而崩繼立作孽而廢矧歲時相我  
宗祀不可無人而左右承養

慈顏豈宜少后弗正厥名而定位焉能贊治以承乾  
乃卜今年正月望之令辰祇聞于

皇天后地請命于

列祖

皇考白于

聖母遣文武重臣持節奉制冊立德嬪方氏爲皇后  
贊朕內治統職陰柔率教六宮母儀四國於  
戲天施地生大本籍茲以是建乾剛坤順洪  
基由此以隆興爰斯申立之禮成用播三辭  
而遍諭敷悉臣民咸宜知之

皇儲繼生詔

嘉靖十五年十一月初六日

奉

天承運

皇帝詔曰朕惟稱孝以有後爲大著在聖經人生而望嗣則同王者特重欲

宗祀之綿綿須繼承之續續比歲朕荷

天錫元祥未久而已由斯

聖母重其懷臣民重其望朕每慮此若臨深淵而用懼惶茲者是歲孟冬之六日仰戴

皇天降鑑幸惟



皇祖慶源朕繼生元嗣乃昭嬪王氏出焉爰循往例  
申布恩宜令至所司主者卽行

一自嘉靖十五年十一月初六日昧爽以前官  
吏軍民人等有犯除謀反叛逆子孫謀殺祖  
父母父母妻妾殺夫奴婢殺家長殺一家非  
死罪三人採生折割人謀殺故殺蠱毒魘魅  
毒藥殺人強盜妖言奸黨失機并事干地方  
夷情及人命十惡至死罪者及充軍人犯不  
赦外其餘已發覺未發覺已結證未結證罪  
無大小咸赦除之有以赦前事相告者以其

罪罪之

一各王宗室屢以貧難奏告情甚不得已各該  
有司全不與處置輕視朝廷欺辱國姓以致  
困苦饑寒無門控訴先年曾有詔諭著令有  
司查補祿糧通不遵行顯是抗違自詔書到  
日即便查處補給敢有仍前違慢者許各親  
王具奏治罪

一各處親郡王如有謹身修行樂善好學孝親  
敬長敦宗睦族足以勵世者許彼處官員具  
實奏聞獎勵

一宗室有因事革住祿米俱與照舊關支

一各王府將軍中尉年七十以上者各給米十石絹十匹綿十斤庶人年及七十者一體給米五石絹五匹

一兩京三品以上文官例該蔭子在任未及三年考滿者俱准與蔭一子入監讀書

一兩京文官在任未及三年考滿者并在外七品以上官歷任三年無過者俱與應得誥勅一兩京文武官署職試職者俱與實授仍與應得誥勅



一王府官有年老願致仕者進散官一階其歷俸三年無過者給與應得誥勅後不爲例

一內外文職官有養病致仕及因事去任年力未衰才識可用曾經科道及撫按保舉吏部查奏起用其一應冠帶閒住者與致仕爲民者冠帶閒住係干獄情者不在此例

一公侯駙馬伯并內外文武官員旗士人等有因事革去罰住祿米俸糧者照舊關支

一嘉靖十六年天下稅糧不分起運存留以十分爲率俱免三分災傷地方免四分以甦民

困

一軍民之家有年七十以上者許一丁侍養免其雜泛差役年八十以上者有司給絹一匹綿一斤米一石肉十斤九十以上者倍之其男子年八十以上爲鄉里所敬服者加以冠帶榮身

一各處稅糧馬草戶口鹽鈔門攤課程光祿寺廚料及供應牲口并三宮皇親功臣庄田屯田子粒自嘉靖十二年十二月以前但係軍民拖欠者撫按官查勘是實悉與蠲免其已

經收在官不拘多寡盡數起解

一嘉靖十六年漕運糧斛四百萬石內除例該折銀外其餘以十分爲率六分本色四折銀正兌米每石七錢改兌米六錢後不爲例

一天下各州縣編僉均徭有餘剩丁糧在小戶者聽其空閒不許一槩追徵違者坐以贓罪

一各處鹽場有因雨水損壞倉廩消化鹽課曾經撫按官奏報勘實者并免追賠

一內外倉場官攢斗級有虧折糧草監追年久除侵盜虛出等項照舊監追外其有浥爛損



折者悉免追賠後不爲例

一各處水冊沙壓等項田地稅糧負累人戶賠納曾經具奏者撫按官查勘明白照例除豁各處衛所有釋放軍伍遺下屯糧負累官旗賠納者亦與查勘除豁

一嘉靖十二年八月二十五日以後各處武職子孫赴部襲替照例減革至總小旗俱以冠帶終身後不爲例

一在京外營在外各邊并順天府南北直隸山東河南各處軍衛有司騎操孳牧寄養走遞

馬騾驢牛近年以來虧欠倒失被盜等項并有例停候買補者悉與蠲免

一山東河南南北直隸各該牧馬草場子粒租銀連年災傷以十分爲率自十五年以前各免四分

一內外衛所在逃官軍人等詔書到日限三箇月以裏赴官自首以免本罪復還職役操差一在京輪班操備官軍有因地方災傷上班來遲例該罰班補操者俱免罰補

一武官除失機重情不赦外凡一應干累註誤

及有司官因小忿爭陷虧枉革職者俱許具奏聽與分理

一內外各衙門囚犯該追贓物係還官給主監追五年之上及正犯身死拘禁家屬勘無家產賠納者悉與宥免查照發落

一問刑衙門有因正犯逃故累及家屬親隣干連證佐監久不係重情者卽時釋放

一在京在外緝獲強盜妖言奸細等項多有貪功圖利及無賴戳番之徒妄拏誣陷重罪累有詔旨禁例多不遵守今後問刑衙門務要



從公研審果有冤抑卽與辯理不許拘泥成案若干礙妄拏報功人員照例從重究治

一各邊將領等官平昔謀勇出衆累立戰功偶因失事革職閒住及充軍等項年力未衰猶堪任使者詔書到日聽撫按科道官查訪疏名奏聞兵部酌量起用

一各處學校廩增生員有親老無人侍養願告侍親者聽親終復學其累舉不第年五十以上願告退閒者給與冠帶榮身仍免本身雜汎差役

一兩京各衙門歷事監生及承差各免歷事三  
箇月辦事官一箇月辦事吏二箇月當該吏  
四箇月後不爲例  
於戲震鬯毓祥上永

宗祧之祀離明增耀下敷臣庶之權詔告天下俾悉  
聞知

徽號赦宥詔

嘉靖十五年閏十二月十

二日

奉

天承運

皇帝詔曰朕惟王者之政莫不以祀典爲先故謂國  
之大事在祀與戎而祀尤重焉夫郊所以事  
天

廟所以事

先其道一而已矣未有不相關者也朕以冲愚宗末

仰叨

上帝下簡俾嗣

天位君臨四方思典禮之重大者祀爲首焉每念于  
茲切興長慨奈何經傳所傳亦多雜亂聖賢  
不獲接緒聖經殘缺莫修是以



郊祀襲合祭于屋下之文

廟祭沿異室同堂之制褻瀆之甚謂比同牢功德不  
別

太祖莫尊朕乃不暇他顧祇聞于

皇天默卜于

皇祖親簡忠賢與之同力首建

園丘方澤以事

天地明陰陽之位而不可混褻續創

昭穆羣廟以祀

祖宗彰

皇明詩令 卷之二十一  
太祖爲當專尊之

主復作

太宗廟于羣廟之外表

祖功

宗德之不遷以饗百世之祀更

皇考廟曰

獻皇帝廟別擇吉區以避渠道大工悉成遂定五歲

大舉

禘祭之禮于

太廟以祀

皇初祖而奉

太祖配焉每特饗

祖宗以立春于

本廟夏秋冬皆合饗于

太廟循時禋之典季冬仍脩

大禘禮于

太廟

皇考止脩四時之祀以避豐禩之嫌奉安旣成將覃

恤典由是先致孝于

慈闈庶伸誠于



璇闕恭上

兩宮徽號曰

昭聖恭安康惠慈壽皇太后

章聖慈仁康靜貞壽皇太后慶禮既備推愛宜頒主  
者遵承條布于後

一自嘉靖十五年閏十二月十二日昧爽以前  
官吏軍民人等有犯除謀反叛逆子孫謀殺  
祖父母父母妻妾殺夫奴婢殺家長殺一家  
非死罪三人採生折割人謀殺故殺蠱毒魘  
魅毒藥殺人強盜妖言奸黨失機并事干邊

方夷情及人命十惡一應真犯死罪不赦外  
其餘已發覺未發覺已結證未結證罪無大  
小咸赦除之敢有以赦前事相告言者以其  
罪罪之

一宗室子女有年二十以上未成婚配者各該  
撫按官卽便督令該府輔導官限三月以裏  
保送前來以憑禮部覆奏

一慶府台滋先年因事遷居省城日久著令回  
府冠帶閒住岷府彥汰先年因事革爵已給  
冠帶著復原爵

一各處帝王陵寢前代名賢及本朝公侯駙馬伯文武大臣勅葬墳墓有被人毀發荒穢不治者所在官司卽與修理照例編僉附近民人一丁看護免其雜泛差役其塋域所占地畝稅糧一并除豁

一京官三品以上致仕大臣年八十以上者有司備禮問勞仍量給人夫月米

一兩京文武官自本年十一月初六日開讀後試職署職并總小旗詔前未經實授者俱與實授仍與應得誥勅



一公侯駙馬伯并文武大小官員折俸年久未曾關支者戶部通查盡數關給以後五年一次關給著爲令

一兩京文官自本年十一月初六日開讀後有陞除到任者俱與應得誥勅

一兩京文官有願貤封其親者悉照舊例

一軍職總小旗自嘉靖十五年十一月初六日以後爲事立功降級調衛者除失機重情不宥外其餘俱以原職役回還原衛帶俸差操  
一兩京各衙門歷事監生並知印自本年十一

月初六日開讀後各免歷辦三箇月

一各處起解糧草等項中途遇有水火盜賊倉經所在官司勘明到部者悉免追賠

一各處倉場先年失火延燒糧草等項經該官攢斗庫人等問發追賠者悉皆宥免

一雲貴廣西湖廣四川等處土官告襲者詔書到日各該三司官員作速體勘明白定名具奏暫免赴部行令就彼襲職後不爲例

一累年充軍人犯除人命免死竊盜三犯及嚇詐財物指稱打點者不赦外其餘原問衙門

查奏定奪其有先年正犯監故招內無名家屬及充軍者悉與宥免

一在京法司見監死罪重囚累經審錄未決者刑部具題請勅大臣會同三法司官重加研審果有冤枉者具由奏請定奪

一大同軍士先年因避官兵畏死走入虜中逃移四外者詔書到日該地方總督巡撫官卽便出榜曉諭許令回還出首復業各與免罪仍量加存恤

於戲



郊社正而

廟制正庶慊朕事

天事

祖之心

慈壽尊與

慈仁尊允合夫人情禮情之至爰推恩恤肆及宗親

尚期臣工之協恭俾爾弼君于至治弘播詔

示悉使聞知

明堂禮成詔

嘉靖十七年九月二十一

奉

天承運

皇帝詔曰朕惟

天眷我國家

皇祖太祖高皇帝始肇于先

皇祖太宗文皇帝戡成于後

二帝之玄功盛烈高厚同焉朕以支宗荷

天下簡用纘

寶位于茲已一十七載矣追繹我

文皇帝之功光

太祖澤蔭後昆繼惟我

皇考獻皇帝躬備

聖德慶延于朕輝前庇後載籍弗聞

文皇帝也宜有功而

祖報焉

獻皇帝也可有德而

宗稱焉庶幾伸孫子崇顯

尊親之至意適因法古典明堂之舉乃稽循

嚴考配

帝之經議命在廷百官會訂至於三再師錫之我僉



謂之同朕以九月九日躬祇奏于

園丘敢以

大禮請

命分諸命使遍奉朕誠各詣

方澤

宗廟

社稷以告越二日率羣臣奉

寶冊崇尊

皇祖文皇帝廟號尊諡爲

成祖啓天弘道高明肇運聖武神功純仁至孝文皇

帝尊上

皇考獻皇帝廟號尊諡爲

睿宗知天守道洪德淵仁寬穆純聖恭儉敬文獻皇

帝卽日恭行

皇考祔

饗于

太廟禮仍藏

主于原寢是月之二十一日太剛朕躬行季秋明堂

禮于大內

玄極寶殿祇

饗于

上帝奉我

皇考睿宗獻皇帝配

神於戲肇

大饗于初成罄物與民胞之意奉

嚴親而

上配答生成罔極之恩禋典忻成慶同民物凡在堪

輿之內開詔宜悉欽哉

尊號詔

嘉靖十七年十一月二十一日

奉



天承運

皇帝詔曰朕聞洪荒草昧三才未立追厥開天闢地

於惟

上帝宰御焉載稽往元醜亂我夏於惟

皇祖高皇帝出焉次建寶圖以成

高皇之烈者我

太宗皇帝也申啓明運以光

前勲之盛者我

皇考功德焉於是慶鍾澤積至於今日朕方當童昧

之年不受仔肩之重眇末不肖祗叨荷于

天眷洪深愚暗不才欽感沐于

帝恩隆大位處王公士兆之上君臨四國萬姓之尊

圖報稱于

上帝

皇祖

太宗

皇考之心終日思惟十復七歲矧人君稱皇取莫大  
之名於

天又復自謂曰天子而推崇如事父之情何未之思  
且蒼昊旻上未盡

高覆廣徧之極是以朕特竭愚念已於此月一日上

辰祇具

冊表親率臣民趨詣

園丘拜上

皇天上帝泰號卽復恭思萬類億物皆本乎

天朕爲民物報事

天之心既少少盡矣惟人之本則非祖何因是用追

本之誠亦實昭我

皇祖丕烈古前所無者故就一辰奉

冊寶偕皇后率臣妾躬詣



太廟崇薦

皇祖聖號曰

太祖開天行道肇紀立極大聖至神仁文義武俊德

成功高皇帝

高皇后肇脩陰教允輔

天德加薦

慈謚曰

孝慈真化哲順仁徽成天育聖至德高皇后復惟

太宗皇帝克成

太祖洪業功備創守前于九月十一日加尊爲

成祖啓天洪道高明肇運聖武神功純仁至孝文皇  
帝初以季秋

大饗之典所關爲民謝福王者大事式循經義之正  
時舉宗祀之章况我

皇考玄德升聞輝前啓後宜薦

宗稱卽此之十一日恭上

尊號爲

睿宗知天守道弘德淵仁寬穆純聖恭儉敬文獻皇

帝是月二十一日祇

大饗

上帝禮于宮右乾隅之

玄極寶殿奉

皇考配

帝茲者六氣始復之辰九舉

大報之典珪璧是奉仰

上帝已垂歆祝帛是將荷

皇天之錫鑑朕衷懼戴莫罄名言臣庶同情敢稽  
天貺特覃太賚之恩敬布好生之德條頒此後

一自嘉靖十七年十一月二十一日昧爽以前

官吏軍民人等有犯除謀反叛逆子孫謀殺



祖父母父母妻妾殺夫奴婢殺家長殺一家  
非死罪三人採生折割人謀殺故殺蠱毒魘  
魅毒藥殺人強盜妖言奸黨失機及事干邊  
方夷情人命十惡至死并一應眞犯死罪及  
大禮大獄首重者不赦外其餘已發覺未發  
覺已結證未結證罪無大小咸赦除之敢有  
以赦前事相告言者以其罪罪之

一宗室年七十以上者有司各給米十石絹十  
匹綿十斤庶人年及七十者一體給米五石  
絹五匹

一天下各王府祿糧多有積年拖欠詔書到日所司務要畱意查處補給

一鳳陽高墻庶人因父祖得罪遷發并遺下妻妾人等久罹禁錮誠可矜憫著司禮監官一員禮部侍郎一員前去查審分別輕重議奏定奪

一各處郡王將軍中尉有因事減革祿米者除人命及敗倫傷化外其餘詔書到日爲始俱照舊支給重者撫按官查議奏來定奪儀賓成婚年遠不曾赴京謝恩者免罪

一各王府將軍中尉等因祿米欠缺往往潛身赴京奏訴有違法禁今後有事親王代與聞奏不許仍前故犯違者究治所奏事不行

一各處帝王陵寢前代名賢及本朝公侯駙馬伯文武大臣勅葬墳墓有被人毀發荒穢不治者所在官司卽與修理照例編僉附近民一丁看護免其雜泛差役其塋域所占地畝稅糧一併除豁有司不卽奉行者撫按官一體究治

一浙江等處十三布政司并南北直隸府州縣



嘉靖十八年分除漕運糧斛四百萬石并解  
運京邊錢糧照舊徵兌起運其餘夏稅秋糧  
馬草農桑人丁絲絹布匹絲綿花絨屯田莊  
田牧馬草廠子粒租銀及甲丁二庫蠟茶銅  
漆銀硃等料不分存留起運以十分爲率俱  
免三分以蘇民困其十七年災傷重大地方  
戶部查奏量行賑恤

一兩京文職并在外五品以上方面有司四品  
官在任未及三年考滿者俱與應得誥勅

一兩京文武官并新舊官署職試職者俱與實

受仍與應得誥勅

一兩京文官有因事致仕年力未衰才識可用者吏部查訪疏名起用冠帶閒住者與致仕爲民者冠帶閒住

一各衙門辦事進士選期遠者吏部查照舊例放回依親

一雲貴廣西湖廣四川等處土官歷任三年查無過犯者給與應得誥勅詔書到日以前土官應襲替者各該三司官卽與具奏暫免赴京令就彼襲替

一見在兩京各衙門歷事監生免歷事三箇月  
承差知印辦事官各兩箇月當該吏四箇月  
辦事吏兩箇月

一朝覲三年京官六年考察係朝廷黜陟重典  
考黜者不許辯復禁例甚嚴近年考覈不當  
往往假借公法擯斥善類甚傷國體自嘉靖  
五年起至十一年止凡經考察罷職官員中  
間果有正直廉潔材器超卓久爲公論共惜  
者著兩京六科十三道從公薦舉吏部查議  
奏請起用以伸公道後不得援以爲例



一近年各處巡按御史及二司守巡官員在外  
擅作威福凌虐下司卑官所在科索民財饋  
送供億及故違節年詔旨訪察害人的二司  
官著巡按御史劾奏御史著都察院考察俱  
黜退不叙詔書到日但係訪察犯人即時釋  
放

一各邊將官并各處軍職官近年以來各巡撫  
都御史及巡按清軍巡關巡倉各項差出御  
史往往捃摭細故動行叅劾前來兵部無所  
皂白便稱查訪相同即時奏革及至推補却

又仍用各官保薦多係在前効退閒住之人  
此不過市權要賄朝四暮三何曾有益國事  
况武職俱由先世軍功大小有數非如文官  
出身多途今數數更易不常是使人無固志  
旦夕苟且自保不暇豈能奮身報國今後撫  
按等官宜各秉忠謀務持大體其餘邊將軍  
官宜存作養愛惜之意不許輕易任意叅劾  
兵部亦要酌量事體不許一槩奉行重取物議  
一兩京科道官均有言責近來全不舉職往往  
遇事緘默容隱及至有言却又浮汎乖刺不

當事理有負朝廷耳目重寄今後各科給事中及在道御史著專一舉正各衙門欺弊糾察官邪不問内外文武大小官員但有貪酷姦邪徇私壞法者卽時指據實迹明白劾奏一各處地方災傷小民困苦朕思一夫一婦皆吾赤子司府州縣官今後務要加意撫摩愛養如有貪酷官員違例取財非法用刑破人家產戕害人命者巡撫巡按官指實奏來處以重典所獲贓賄盡追入官撫按官坐視不舉事發連坐



一科道官互相糾劾原非定制近年拘例塞責  
往往挾私報復排擊善類甚非治體今後不  
許互糾其給事中御史賢否著吏部都察院  
從公考察

一近時各處撫按官舉劾官員賢否極爲汎濫  
往往先將陞任年淺不當保舉者掇名于前  
每舉不下數十人一人保語不下數十字及  
奏舉遺閒則盡境內之人并書薦剡公私心  
迹覽疏較然吏部不以爲非都察院不考其  
過以致臧否不分舉錯倒置今後敢有仍前

皇明言 卷之二十一 四十一  
濫舉甚至當劾而舉當舉而劾及撫按官舉  
劾異同者該科不行糾奏一體究治

一西北各邊密邇虜寇安危重計莫切於斯

祖宗時名臣勇將輩出兵威振揚北虜遠遁近年以  
來所在侵犯如陝西三邊失事奏功時或相  
半山西三關屢遭殺虜宣大之警不時有聞  
亦往往敗軍失利鎮巡總兵等官好生有負  
委託詔書到日各該官員務要盡忠謀國奮  
勇建功用心撫綏軍士竭力儲峙芻糧偏裨  
將官并行伍士卒之中有驍勇善射膽略過

人長材大器淪屈在下者許鎮巡官卽時薦拔不次擢用爾文武羣臣有遠猷長策邊防大計許具疏來聞

一在朝大臣庶官宜靖共乃位盡心體國以佐予一人其或背公營私附下罔上招權納賄市恩報怨害正醜直交通阿附朋結阻撓煽搆浮言變亂國是有一於此邦有常刑

一內外各邊軍民大小衙門政務自有

祖宗累朝舊規及見行事例近年以來建議紛紜朝更夕改其實徒費文移無益事體爲害茲甚



今後給事中御史凡各項差遣出巡事完回京止許將本等奉行過事情提奏不許開列條件別議興革該部亦不許依違奉承一槩題覆在外地方果有應興應革事宜止許各該撫按官會同三司官議同奏請在邊方的著鎮巡總兵官會奏如有仍前故違者該部看詳輕則立案不行重則叅奏治罪

一士大夫學術不正邪偽亂真以致人材卑下文章政事日趨詭異而聖賢大學之道不明關係治理要非細故朕歷覽近代諸儒惟朱

熹之學醇正可師

祖宗設科取士經書義一以朱子傳註爲主誠有見也。比年各處試錄文字往往恠誕支離背戾。經旨此必有一等奸僞之徒假道學之名鼓其邪說以惑士心。不可不禁。禮部便行與各該提調學官及各學校師生今後若有創爲異說詭道背理非毀朱子者。許科道官指名劾奏。

一 內外文武官員因事罰住俸祿者。詔書到日。照舊關支。

一內外文職官員近來添設太多柴薪俸給不免重徵小民吏部今後遇缺填補不許無故一槩添註

一內外文職官員吏部銓選之時多要量才授任久任責成不許無故更調以起奔競

一各處起解糧草等項中途遇有水火盜賊曾經所在官司勘明到部者悉免追賠并各處倉場先年失火延燒糧草及有浥爛虧折等項經該官攢斗庫人等問發追賠者悉皆宥免



一各處軍衛所官舍軍餘人等置買民田往往  
不肯納糧當差不服州縣拘攝致累糧里包  
賠著撫按衙門并管糧等官明白檄諭今後  
一體坐派糧差不許抗拒違者原買民田追  
奪入官

一孝子順孫義夫節婦已經旌表年及七十以  
上并軍民之家男婦年八十以上者有司各  
給與絹一匹綿一斤米一石肉十斤九十以  
上者倍之其八十以上男子加以冠帶榮身  
一天下歲貢生員自嘉靖十八年爲始至二十

一 年止順天應天府學加貢六名在外府學加四名州學加三名縣學加二名

一 軍職總小旗自嘉靖十五年十二月十二日以後爲事立功降級調衛者除失機重情不宥外其餘俱與原職役回還原衛帶俸差操

一 嘉靖十五年十二月十二日以後各處武職子孫赴部襲替照例減革至總小旗者俱與冠帶終身不爲例

一 藩邸從龍人員歷事勤勞官至指揮僉事以上者子孫俱與世襲

一武職官除失機重情不宥外凡一應干累註  
誤及因事忿爭虧枉革職降級者許具奏該  
部聽與分理

一各邊軍民男婦或被搶虜或有罪脫逃陷入  
異域年遠走回的鎮巡總兵及管軍等官卽  
與收畱安插加意存恤若有誣以奸細妄殺  
報功者抵死

一在京各營在外各邊并順天府南北直隸山  
東河南各處軍衛有司騎操孳收寄養走遞  
馬羸驢牛凡一應虧欠倒失被盜等項該追



價銀及買補者各處牧馬草場子粒凡被小民拖欠者自嘉靖十七年十一月以前除已徵已補在官照例起解交收其未完之數悉行蠲免該管人員敢有因而侵欺者治以贓罪

一在京在外緝獲強盜妖言奸細等項多有貪功圖利及無賴戮番之徒妄拏誣陷重罪累有詔旨禁例多不遵守今後問刑衙門務要從公研審果有寃抑卽與辯理不許拘泥成案妄拏報功人員照例從重究治

一兩京三法司并在外問刑衙門官員不肯用心講明律例詳讞獄情惟事筌楚煅煉甚則怵勢徇情故出故入又有明知冤抑拘於成案回護原問官員相視不與辯理法司堂上官在外按察司官近來吏部不循舊規所用多非素習刑名之人上下因仍苟且不以憲典法紀爲重以致獄多冤民上干和氣朕每軫慮及此深加隱惻今後各官宜體朕意以愛惜民命爲心無肆苛虐無縱詭隨務俾政和刑清天下無冤以弼成朕平明之治如或

仍襲故常無所省憚朕將有重懲焉

一在京各營在外各邊軍官倒失馬匹應追椿  
朋銀兩自嘉靖十七年十一月二十一日以  
前拖欠未完者悉行蠲免以後仍照舊例追  
收

一官吏軍民人等有爲事問發充軍除原係眞  
犯死罪饒死不赦外其餘放回原衛原籍寧  
家

一近年以來京班官軍做工勞苦其有脫班來  
遲應該送問罰班補操者盡皆宥免



一內外衛所在逃官軍人等詔書到日限三箇月以裏赴官自首與免本罪復還職役差操一內外武職比試違限查扣住俸官員自嘉靖十五年十二月以後至嘉靖十七年十一月開讀以前原住俸糧悉與關支其比試不中回衛與支半俸者亦與全俸照依原限起程再比

一以上宥罪覃恩并戒勵文武臣工事宜詔書到日凡百有位宜卽悉心殫力著實奉行以副朕代

天子民至意

於戲事

天事

帝而事

祖

考

郊大報與

堂大饗以同伸報功報德而報生成

皇矣

天

皇矣

考斯并盡慶豔神人忭極民物澤流

帝惠有血氣者其思之以

尊親言露朕情凡見聞者宜念哉而祇繹布于華夏  
播彼夷戎欽哉

章聖太后遺詔

嘉靖十七年十二月初

四日

章聖慈仁康靜貞壽皇太后遺詔內外文武羣臣

予以菲德記

睿宗皇帝奉藩一十九年不幸



先皇帝棄我上賓熒熒在疚賴

今皇帝入嗣

祖宗大位饗皇太后養十七年于茲比患瘡瘍屢瀕

危殆重賴

皇帝至孝躬調藥膳虔禱

神祇備極誠敬卒延三歲今疾已彌留度不可起得

復從侍

先帝左右又復何憾念惟

皇帝負荷

祖宗鴻業艱難重大尚資宗室諸王及中外文武羣

臣協心匡輔共致太平以垂萬世無疆之休  
予歿之後喪禮宜遵

先朝舊典哭臨三日卽止服制以日易月二十七日  
而除君臣同之

皇帝母過哀戚以妨萬機母廢

郊社

宗廟百神常祀母禁中外臣民音樂嫁娶天下諸王  
不必赴喪但遣人進香在外大小文武衙門  
并免進香特茲誥諭其遵行之

上章聖太后尊號詔

嘉靖十七年十二

月二十六日

奉

天承運

皇帝詔曰

至尊無上固人主所以奉

親於生存

令聞不已尤人子所以顯

親於沒後揆諸

天道而不悖察諸人情而允諧爰薦

尊稱用光



遺烈洪惟

聖母大行章聖慈仁康靜貞壽皇太后至性純粹厚

德合弘逮事我

皇祖妣孝惠皇后徽音克嗣於

先朝久相我

皇考睿宗獻皇帝內範聿彰於藩服勤儉之化布于

宮闈而罔愆仁愛之風敷于邦國而無間善

積深厚慶澤悠長施于冲人庸膺

寶命凡宣猷振獎興道致治弗墜

祖宗之洪業咸賴

皇明言今卷之二十一  
五十六  
聖母之慈訓也痛夫

壽宮願老方逾六袞之齡

仙馭升遐遽違四海之養追攀莫及摧割奚堪永惟  
不朽之圖議舉易名之典茲卜十二月二十  
七日祇告

天地

宗廟

社稷恭上

尊諡曰

慈孝貞順仁敬誠一安天誕聖獻皇后於戲采集衆

論之公成予一人之孝尙慰終身之慕誕垂奕世之休播告寰區使咸知悉

立皇太子詔

嘉靖十八年二月初四日

奉

天承運

皇帝詔曰朕惟人君奉

天命而君臨天下所重者大本係焉是以自神禹至今率遵此道用一人心也比歲朕荷

皇天俯眷元嗣誕生數歲之間疊承

洪造顧朕何人鉅膺



皇明詩集 卷之二十一  
五十一  
帝德深惟

皇祖垂裕之恩

列聖累積之大

皇考功德玄隆

皇妣善慈廣萃慶集朕躬顯受丕荷至有今日茲念  
祖宗家法具在

慈囑切朕赤中暨文武羣臣屢請左右元僚力贊咸  
以國本之定此其時也朕亦思惟欲圖久大  
之治安須蚤立於儲貳兼以藩輔之重故同  
建本而行適取昨朝元吉是維今月一日朕

躬祇請

命于

皇天

皇祖分命諸臣告于

方澤

列聖

太社稷

帝社稷

神祇大頒冊寶立朕元子載壑爲皇太子分封第二

子載至爲裕王第三子載圳爲景王慶典旣

成恩澤斯覃舉昭代之彝章答敷天之至望  
爰伸大賚條示于後

一自嘉靖十八年二月初四日昧爽以前官吏  
軍民人等有犯除謀反叛逆子孫謀殺祖父  
母父母妻妾殺夫奴婢殺家長殺一家非死  
罪三人採生折割人謀殺故殺蠱毒魘魅毒  
藥殺人強盜妖言姦黨失機及事干邊方夷  
情人命十惡致死并一應真犯死罪及大禮  
大獄首重者不赦外其餘已發覺未發覺已  
結證未結證罪無大小咸赦除之敢有以赦



事相告言者以其罪罪之

一各王府親郡王嫡母與生母并存者詔書到日其嫡母准加稱大妃生母准授封爲次妃

一公侯伯有因生母未受封而併其妻不得封者許一體誥封

一宗室年七十以上者有司各給米十石絹十匹綿十斤庶人年及七十以上者一體給米五石絹五匹

一各處宗室及儀賓有志講學讀書者許親王延請儒師與同該府長史教授等官考核勸

勉以資進益果有志行不苟學有成效者奏

聞獎勵

一

累朝及見在公主子孫有志向學者許廕一人送國

子監讀書

一兩京文職三品以上官未及三年考滿者俱

與應得誥勅仍廕一子入監讀書

一王府官有年老願致仕者進散官階其長史

歷任三年無過者給與應得誥勅

一兩京文官有犯公罪充軍爲民者著查所犯

情由開奏定奪

一武職官除失機重情不宥外凡一應干累註誤及因事忿爭虧枉革職降級者許具奏該部卽與辯理

一文武官吏監生知印承差生員軍民人等有爲事見發運磚運灰運炭納米及追罰馬匹做工擺站煎鹽炒鐵充軍伴儀從膳夫等項悉宥其罪各還職役寧家隨住軍職例該帶俸差操者照原擬發落

一在京文武官員之家除里甲正役外其餘一



應均徭雜泛差役照依正統元年事例全戶  
優免如有詭寄田糧靠損小民者聽撫按官  
叅奏治罪

一大漢將軍侍衛二年半以上者給與冠帶四  
年半以上者授試百戶

一軍官旗軍將軍力士校尉舍人餘丁有爲事  
發遣各處立功哨瞭者盡行放免復還職役  
例該帶俸差操者不許管軍管事

一被災地方應免錢糧詔書到日爲始已徵在  
官者收作本戶下年該納之數未徵者照例

蠲免以甦民困

一各處地方災傷小民困苦著撫按司府州縣官加意存恤有流移的卽時招來或爲饑寒所迫一時嘯聚爲盜者卽令自首解散悉宥其罪仍一體賑濟安插

一各處逃軍逃匠逃囚人等自詔書到日爲始限三箇月以裏許於所在官司首告與免本罪軍還原伍匠仍當匠民放寧家其各處解軍之人有因違限問發充軍者放回寧家後不爲例

一光祿寺廚役年老殘疾者告官審驗是實放回寧家有司照缺僉補上林苑監原僉養牲種菜等項人戶其有老疾不堪應役戶內無丁頂補者許該監官驗實具奏放回原籍依住

一各邊方方面知府等官在遠效勞撫按官保畱不得赴部給由者吏部查訪賢能不拘常資陞用以均勞逸

一各處倉官及收糧經歷守候二年之上放支不盡者仍聽全支本等俸給



一內外文武官員摠小旗因事罰住俸糧者詔書到日照舊關支

一孝子順孫義夫節婦已經旌表年及七十以上并軍民之家男婦年八十以上者有司各給與絹一匹綿一斤米一石肉十斤九十以上者倍之其八十以上男子加以冠帶榮身一天下歲貢生員見今應貢到部有年老不願仕者與從七品散官

一各處府州縣儒學廩膳生員有年五十以上并停廩年久不願進取復學者并以冠帶榮

身

一兩京各衙門歷事監生知印承差辦事官當  
該辦事吏除前次恩免外以後撥到辦事者  
監生免三箇月知印承差辦事當該官吏各  
免兩箇月

於戲宜王宜君衍本支於百世錫福錫祿溥仁  
化於萬方允協

神人之大猷益篤邦家之永祜徧播華夷俾悉知悅

南狩還京詔

嘉靖十八年三月二十日

奉

天承運

皇帝詔曰朕聞聖人之治天下也率皆以孝爲先蓋所以教民作範焉弗孝何以上人乎朕以菲才叨承

天眷君茲黔首主御華夷所事者人極重焉故首正父子天倫之正復宗

考廟當有之

宗適者積愆采深累于

慈聖

鸞輿遐邁哀徒摧五內之傷



鳳寢再圖禮厥宜

二親之共匪自經營何慰夙夜乃於今年仲春之十  
有一日奏告于

天地

宗廟

社稷徧達于

百靈衆秩於十有六日駕徂荆楚之舊藩躬視承天  
之

嚴寢越二十五日駐蹕龍飛內之卿雲宮齋潔肅誠

定禮備樂有五日元吉祇奏告之祀于

皇天奉

皇考睿宗獻皇帝上

配報

生恩而拜謁

顯陵答

神功而躬祭

社稷以及道經之望徧兼舉諸王羣職迎覲獻誠雖  
未如四狩之巡亦以見省方之意且朕何人  
敢堯舜似祇欲伸送終之道以求夫永世之  
安庶幾教天下也今

玄寢之制置既詳

親體之尊安攸定但念本根所在百姓繫懷勞擾久  
時民間當軫承天府自明年爲始特免田租  
三歲湖廣地方與免明年田租五分之二北  
直隸河南二處亦與免明年田租三分之一  
用見朕懷恤之意期以今月二十三日還京  
於戲慎終思永立愛敬以式臣民經始求臧建  
中業以遺孫子尙賴忠賢匡于至治詔爾華  
夏宜悉知之

宣諭承天府百姓



說與故里的衆百姓每我

父母昔在

孝宗皇帝時封國在這裡我

父母積許大的德行生我承受

天位今日我爲

父母來到這裡你每也有昔年的舊老也有與我同  
後生者今日一相見但只是我全沒德行

父母都

天上去了這苦情你每也見麼我今事完回京說與  
你每幾句言語各要爲子的盡孝道爲父的

教訓子孫長者撫那幼的幼的敬那長的勤  
天上去生理做好人依我此言語况我也不能深文  
父母曉這等與你每說以便那不知文理者教他便  
省的你每可記着

父母來降靈里亦發也亦昔至由書學得真理與同  
天立今日雖然恍惚之意期以今月二十三日還京  
父母體情大由靈發至來承受式國民經始求賊運  
奉宗皇帝制世國衣書四好以貴國子至治諸爾華  
父母昔時亦悉知之



